



Prešavši magičnu brojku od 2.500 ELO poena publikovanih na januarskoj rejting listi FIDE, Denis Kadrić je prešao i posljednju stepenicu ka osvajanju titule velemajstora!

Ove značajne poene osvojio je na turniru u Dalasu, čiji je stanovnik postao 2014. Ostala je još formalnost u vidu potvrđivanja najveće šahovske titule od strane FIDE komiteta, javlja [ENI news](#).

Devetnaestogodišnji Kadrić je brucos na Univerzitetu Teksas i član njihovog šahovskog tima zajedno sa mladim šahistima Berkesom, Kalugarom, Kosincevom, Kricom, Holtom...

Denis se šahom počeo baviti 2005. i u proteklih 10 godina ostvario je brojne uspjehe. Od 2007. do 2012. bio je apsolutni prvak BiH u svojoj kategoriji.

U 2014. je bio član muške selekcije BiH na Olimpijskim igrama u Tromsu, gdje je osvojio 6½ poena iz 10 partija.

Na 23. smotri najboljih mladih evropskih šahista u Budvi 2013. Kadrić je u grupi do 18 godina osvojio sjajno 4. mjesto. U julu 2012. na Evropskom kadetskom prvenstvu u ubrzanom šahu postao je apsolutni prvak Evrope u konkurenciji 198 igrača iz 17 zemalja.

Kao seniorski reprezentativac BiH nastupio je 2012. na Olimpijadi u Istanbulu i ostvario najbolji rezultat u reprezentaciji sa pet pobjeda, tri remija i jednim porazom. Tada je ispunio i

Denis Kadrić velemajstor!

Saturday, 10 January 2015 17:54 - Last Updated Saturday, 10 January 2015 17:59

završnu normu za velemajstora sa 6½ poena iz 9 partija.